

**BODO (CODE: 192)**

**CLASS-XII**

**Session 2023-24**

**Marking Scheme**

**Time: 3:00 Hours**

**Marks: 80**

		<b>Part-A</b> <b>(Objective Type MCQ Paper)</b>	<b>गासै नम्बर- 80</b>
<b>सॉथि नं.</b>	<b>1.</b>		<b>5x1=5</b>
	(i)	फिन: (C) थाइजा दाजाबदा	1
	(ii)	फिन: (B) थारजा दाजाबदा	1
	(iii)	फिन: (B) मा-से	1
	(iv)	फिन: (A) सिगाडाव	1
	(v)	फिन: (A) होनजाब सोदोब	1
<b>सॉथि नं.</b>	<b>2.</b>		<b>10x1=10</b>
	(i)	फिन: (A) रहस्य सान्थौ बेरखांनाय खन्थाइ	1
	(ii)	फिन: (A) थिखा मावनायजों	1
	(iii)	फिन: (B) इसोरनि अननाय	1
	(iv)	फिन: (A) बिमानि हायना महरखौ	1
	(v)	फिन: (D) गोजौनि गासैबो गेबें	1
	(vi)	फिन: (A) आंखालजों गोथौवै नाखेबजानाय दाबसे ओनसोल	1
	(vii)	फिन: (D) गोजौनि गासैबो गेबें	1
	(viii)	फिन: (B) अरबिन्द उजीर	1
	(ix)	फिन: (B) सानजों समान	1
	(x)	फिन: (A) गंनीया दैमा	1

सॉथि नं.	3.		10x1=10
	(i)	फिन: (B) 1864 मायथाइयाव	1
	(ii)	फिन: (C) दों 17	1
	(iii)	फिन: (A) खुगा सल'	1
	(iv)	फिन: (B) भाइरासनिफ्राय	1
	(v)	फिन: (D) नीलकमल ब्रह्म	1
	(vi)	फिन: (C) अखाफोर	1
	(vii)	फिन: (B) अरण	1
	(viii)	फिन: (B) जिबौनि बिदैया गला जायो	1
	(ix)	फिन: (D) ब्राह्मन	1
	(x)	फिन: (A) खेराइसालियाव	1
		<b>Part-B</b> <b>(Descriptive Type Pen and Paper Test)</b>	
सॉथि नं.	4.		5x2=10
	(i)	फिन: रेभारेण्ड सिदनि एण्डेला बर' गामि गेजेर गेजेर थाबायदिंना बर'फोरनि हाबा-हुखा, दामनाय-देनाय, मोसानाय-मुसुरनाय, रंजानाय-बाजानाय बायदिफोरखौ नायहैदोंमोन, बर'फोरनि हारिमुवारि आसार-खान्थिफोरखौ नायहैदोंमोन आरो बेफोरखौ लिरथुमनानै गालांदोंमोन। बेखायनो बर'फोरा बिथांखौ गामि ब्राइ होनना गाबज्रियोमोन।	2
	(ii)	फिन: मानसिया जायखिजाया आयदा एबा बेसादनि सायाव नायबिजिरनाय, सुनाय, सैथो संनाय, बेसाद एबा जाथाइनि दोहोरोम एबा आखल बायदिफोरखौ नायबिजिरनानै मोनसे गरन्थआव सफैनो हानाय गोसो सानस्त्रिखौनो गोनोखोआरि गोसो होनना बुंनो हायो।	2

	(iii)	फिन: प्रम'द चन्द्र ब्रह्मआ सुजुनाय गांनै लाइसिफोरा जादों 'अलंबार' आरो 'हाथखि-हाला'।	2
	(iv)	फिन: 'गोथां गाब गाथोंसे खन्थाइयाव' खन्थाइगिरिया गोथां गाबजों थांनानै थानायखौनो फोरमायनो नाजादों। आथिखाल मुगानि मुखुब सुबुंफोरनि गोरबोफोरा जाहाथे गावजों लोगोसेनो गुबुन मानसिफोरखौबो थांनानै थानो थुलुंगाखांहोयो बेखायनो गोथां गाब गाथोंसे होनना बुंदों।	2
	(v)	फिन: 'संसारनि अन्नाय' खन्थाइयाव खन्थाइगिरिया सुबुंनि अननाया जेसेखि आंगो जाया मानो नाथाय माब्लाबाबो अरायगोजोर जानो हाया, बबेखानि खन्थाइगिरिया अननाय नागिरनानै हांमा-दाहा सैनांदों। बेखायनो खन्थाइगिरिया सुबुंनि अननानि सोलाय इसोरनि अननायखौसो मोननो लुबैदों जाय अननायनि जोबथा गैया।	2
सौथि नं.	5.		7x5=35
	(i)	<p>फिन:</p> <p>'मोनाबिलि' खन्थाइया समर ब्रह्म चौधुरीनि दोंसे मख'जाथाव रमान्टिक खन्थाइ। खन्थाइयाव मोनाबिलि समनि समायना मिथिंगायारि सावगारिखौ नुनो मोननाय जादों। खन्थाइगिरिया मोनाबिलि समाव गावनि गामि सेरनि गंनीया दैमानि सेरनि सुमब्लि बारियाव गसंनानै नोजोर होदों। मोनाबिलिनि अखाडाव रिथि-रिथा हाथखि जौनाय, दाउ थिया, दाउथेबफोरा मेथाइ खनै खनै न फारसे बिरलांनाय, बार सिउ सिउ बारनायजों खन्थाइगिरिनि गोसोआ बोदोर जायो। नाथाय बे बादि गोजोन बुल्लियावबो बिथाडा बर' माहारिनि गोग्लैसोनाय थासारिखौ गोसोखानानै दुखु मोनदों। बेनो खन्थाइयाव औरै बेरखांदों-</p> <p style="text-align: center;">नाथाय बर'नि बादि गोग्लैसोनाय माहारियाव सानबोलाउरिया खंगा, बिरखानो हाया।</p> <p>बियो मोनाबिलिनि समायना महराव बोदोर जादों। नाथाय बिथाडा मिथिखादों मोनाबिलि सिखलाया गावनि अनसुमैखौ सानफ्रोमबो लोगो हमफैयो। अब्लानो खन्थाइगिरिया मोनफुडैनि दाहा बिदांखौ मोनाबिलिनि मोखाडाव नुनो मोनो। बेनो खन्थाइयाव औरै बेरखांदों-</p> <p style="text-align: center;">आय' मोनाबिलि, नोंनि गोमोथाव महरनि सिडाव मोनफुडिनि दाहा बोहैनाय आंनि मेगनाव गोग्लैयो।</p> <p>नाथाय खन्थाइगिरिया बेखौबो मिथिखायो दि मोनाबिलिनि बे दाहाया</p>	5

	<p>सोरखौबा मोनफुडैनि नडा बबेखानि बिखौ खाथिसिनाव मोननो हास्थायबावनायसो। बेनो खन्थायनि जोबथायाव औरै बेरखांदों- मानोना गोसो थोनाया मोननो लुबैनाय गोदानै, साबसिनै खाथिसिनै मोननो लुबैनाय।</p>	
(ii)	<p>फिन: बर'फोरनि खेराइ मोसानाया बाथौ धोरमजों सोमोन्दो गोनां मोसानाय। बाथौ बोराइखौ बाउनायाव बाथौ बोराइजों लोगोसेनो सा 18 मोदाइफोरखौबो सिबिनाय जायो आरो बिसोरनि मुडावबो मोसानाय जायो। थामहिनबा बर'फोरनि खेराइ मोसानाया मोन 18 रोखोमनि जायो। बेफोर जादों-</p> <ol style="list-style-type: none"> <li>1. दाहाल सिबनाय</li> <li>2. सा गोलाउ</li> <li>3. खैजोमा फनाय</li> <li>4. सश्रालि</li> <li>5. दाहाल-थुंग्रि सिबनाय</li> <li>6. खामाव बारखोनाय</li> <li>7. बादालि बिरनाय</li> <li>8. मैसो गेलेनाय</li> <li>9. बाथौ गिदिनाय</li> <li>10. नाव भासायनाय</li> <li>11. मुफुर गेलेनाय</li> <li>12. माइनाव बरायनाय</li> <li>13. मोसानाय गेलेनाय</li> <li>14. गराइ दाब्रायनाय</li> <li>15. गान्दौला बोननाय</li> <li>16. नाव जावनाय</li> <li>17. थुंग्रि गानाय</li> <li>18. दाउ थै लौनाय</li> </ol>	5
(iii)	<p>फिन: थारजा एबा सोदोबनि उनाव गुबुन गुबुन सोदोबथि दिन्थिनो जाय सिनफोरखौ फज'नाय जायो बेखौनो दाजाबदा बुंनाय जायो। बर' रावनि दाजाबदाया गासै मोनब्रै रोखोमनि। गाहायाव बेफोरनि सोमोन्दै सावरायनो नाजानाय जाबाय। क) <b>थारजा दाजाबदा:</b> थारजानि उनाव जाय दाजाबदाफोरखौ फज'नानै गोदान सोदोब दानाय जायो बेफोर दाजाबदाफोरखौनो थारजा दाजाबदा बुंनाय जायो। जेरै- बो-ख'&gt;बोख', दान-खाव&gt;दानखाव, गा-खुब&gt;गाखुब ख) <b>सोदोब दाजाबदा:</b> सोदोबनि उनाव जाय दाजाबदाफोर फज'नानै सोदोबनि सोदोबथिखौ सोलायहोयो बेखौनो सोदब दाजाबदा बुंनाय जायो।</p>	5

	<p>जैरै- दाउ-सा&gt;दाउसा, गोजौ-सिन&gt;गोजौसिन, माव-थि&gt;मावथि</p> <p>ग) जो आथोन दाजाबदा: जाय दाजाबदानि हेफाजाबै जोला दिन्थिगा सोदोबखौ जो आथोन खालामनाय जायो बेखौनो जो आथोन दाजाबदा बुंनाय जायो। बेंगा-इ&gt;बेंगि, लेंगा-इ&gt;लेंगि, नाब्ला-ए&gt;नाब्ले</p> <p>घ) बेखेवफा: बाथा दानाय समाव सोदोब एबा थारजानि उनाव जाय बेखेवफाफोरखौ दाजाबनानै सोदोबमा खालामनाय जायो बेखौनो बेखेवफा दाजाबदा बुंनाय जायो। बेखेवफा दाजाबदाया मोननै रोखोमनि जैरै- (क) सोदोब बेखेवफा आरो (ख) थारजा बेखेवफा।</p>	
(iv)	<p>फिन: 'ऑंखारनाय खानसिया हाबनो रोडा'आ मोनसे मख'जाथाव बाथा फाव। खानसिया जाथोसे हा सिडाव गुदुं खालामनानै थागा फिसा मानबायगा जिबि आरो बेनि जर'खा आखुथाइया जादौं खनसे गुदुंनिफ्राय ऑंखारलानायनि उनाव बे गुदुडाव हाबफिननो रोडा। बे बादिनो जायखिजाया खामानि मावखानाय एबा बाथा बुंखानायनि उनाव बे मावनाय खामानि एबा बुंनाय बाथाया माब्लाबाबो जोबनानै एबा गोमानानै थाडा। बेयो मानसिफोरजौं सावरायजागोन, बाखनायजागोन, सौंखारिजागोन एबा अनसायजागोन। बे बादि मावखानाय एबा बुंखानाय खामानिजौं सोमोन्दो गोनां थासारिखौं फोरमायनो बे बाथा फावखौं बाहायनाय जायो।</p>	5
(v)	<p>सिम, गाहाइ सुजुगिरि रादाब बिलाइनि मुं: XX जायगा: XX खालार: XX</p> <p>बे लाइजामनि गेजेरजौं नौंथांखौं बेखौनो फोरमायनो नाजानाय जायो दि दैबानाया आसामनि देरसिन जेंनाफोरनि गेजेराव मोनसे। आसामनि धुबुरिनिफ्राय सडियासिम गासैबो जायगायानो दैबानाजौं बुसोमजायो आरो बोसोरफ्रोमबो गोबां मानसियानो न-बां खोमानो नोनां जायो। बे गेदेर जेंनाखौं फोजोबसांनो थाखाय राज्यो सोरखार आरो मिरु सोरखारा जेसेबां गोनांथि होनांगौमोन एसेबां गोनांथि होनायखौं नुवाखै। बेखायनो नौंथानि रादाब बिलाइनि गेजेरजौं आसामनि मोनसे गिरंथाव जेंनाखौं फोजोबसांनो थाखाय राज्यो सोरखारजौं लोगोसेनो मिरु सोरखारखौंबो नोजोर बोनो हागोन होननानै मिजिंथिबाय।</p> <p>बेखायनो नौंथाडा आसामनि बे बादि मोनसे गेदेर जेंनाखौं सुसांनयानि राहाफोरजौं लोगोसेनो मानसिफोरनि गेजेराव दैबानानि सोमोन्दै मिथिनां आरो बेनिफ्राय रैखा मोननायनि राहा आरो सरासनसा सुबुंफोरनि मावनांगौ बिबान बे गासैबो बिथिंफोरनि सायाव बिथा खालामनानै मोनसे रादाब फोसावगोन होननानै मिजिंथिबाय।</p> <p>नौंथानि फोथायसुला, मुं: XXX</p>	5

	<p>(vi) फिन: बेसेन मोन्दांथिया सुबुं समाजनि मोनसे एंगारनो हायै सोल्लोथाइ, जायजो सुबुडा मानगोनाडै थानानै थानो हायो। बेसेन मोन्दांथिनि अनगायै थारै सुबुं आरो गुबुन जिब जुनारनि गेजेराव जुनिया फारागथि थानाय नडा। सुबुं जिउनि माखासे बिथोन-खान्थि जायफोरा सुबुंनि देहायारि, गोसोआरि जौगानाय लोगोसे समाजनि जौगानायनि थाखाय मोजां। समाजाव सोलिनाय धोरोम फोथायनाय, जिउ सान्थौ, खान्थियारि आदर्स, राजखान्थियारि आदर्स, आसार-आखु, सानफ्रोमबो जिउनि हाबाफारि बे गासैखौबो बेसेन मोन्दांथिनि सिडाव सावरायजायो। बेजो लोगोसेनो मोनसे खोथाखौ बुंफानो हायो बेसेन मोन्दांथिखौ रावबो सुबुडा जोनोमजो लाबोफाया, बेखौ समाजारि थासारिनिफ्रायसो बुथुमना लायो।</p>	5
	<p>(vii) फिन: लाइमोन बैसोआ सुबुं जिउनि मोनसे सोलायनाय बैसो। बे बैसोआवनो सासे उन्दै बैसोनि हौवासा एबा हिन्जावसानि सोलेरारि, गोसोथियारि, गोसो सानथाइयारि, समाजारि आरो खान्थियारि बिथिडाव बायदि रोखोमनि सोलायनाय फेयो। लाइमोन बैसोनि सोमोन्दै गोबां सानथौगिरिफोरा गुबुन गुबुन बिबुंथि होदो। खायसेनि बादिब्ला बे बैसोआ बारहुंखा आरो साद-जालानि बैसो। बेखायनो बे समाव जानाय गोबार गोसो खारथाइनि सोलायनायफोरखौ हमथानो थाखाय मोजां आबहावा आरो नांगौ रोखोमनि सोल्लोथाइनि जोबोर गोनां। आरो बेखौ हमथानो हायाब्ला सुबुं जिउवाव गोबां दुखु-दाहा फेनायखौ नुनो मोनो। खायसे सानसुमैगिरिफोरा लाइमोन बैसोखौ जिउनि गोदान जांखिथाइनि सम होनना बुंदो, बायदि बिथिडाव जानाय जौगासारथाइनि मेंनो रोडै गोहोआ साफा सेंग्रा एबा सिख्लासानो गोदान गोदान फेसालि बेखेवनायनि खाबु होयो। थामहिनबा गोजौनि बे मोननै बानबुंथाइखौ नोजोर होयोब्ला लाइमोन बैसोनि सोल्लोथाइया गासै सोल्लोथाइ बिखान्थियाव मोनसे गोनांथार जायगा आवगानायखौ नुनो मोनो।</p>	5
सौंथि नं	<p>6. बर' समावजाव आगरनि बाहायनायखौ द्लामैनो नुनो मोनो। बयदिसिना रं-बिरनि गाब गोनां, आगर गोनां दखना, फासा, आरनाय, फालि, गामसा बायदि रोखोमनि गाननाय-जोमनायफोराव आगर एरफबना लायो। बे बादिनो बे फरायावबो मोनसे जरखा रोखोमनि आगर उजिनाय एबा जोनोम जानायनि सलबाथा खिन्थानाय जादो। सल'बाथायाव सासे लाइमोन सिख्लाया गावनि लोगोफोरजो हाग्रायाव मैगं खानो थार्दोमोन। मिथिंगानि समायना रमायना दंफां-लाइफां, हाजो-हाला, दैमा-दैसा बायदिफोरनि गेजेराव थानो मोजां मोननाय बरफोरा मिथिंगानिफ्रायनो गासैबो रोखोमनि जानाय-लौनाय, गाननाय-जोमनाय बायदिफोरखौ बुथुमना लायो। बे बादिनो लाइहागार मुंनि सिख्लायाबो गावनि लोगोफोरजो मैगं खानो थार्दोमोन। दाउफेनदा, बुरि थखन, बुरि सिब्रु, गारला गोरलै, दैस्रेम, खेरा दाफिनि, हांसो आफा, माय सुनद्रि बायदि मैया मैगं खानायावनो लाइहागार सिख्लाया बारनायजो थाराइलाइजो खावलाइयावनो सौगावलायो। बेबादियावनो बियो थाराइ बिलाइखौ मोजाडै नायो आरो थाराइ बिलाइनि समायना महराव बोदोर जायो। बे समायना</p>	5

		थाराइलाइनि महरखौनो लाइहागार सिखलाया हिसानसालियाव फैनानै बिनि समायना महरखौ हियाव एरजेनफैयो। आरो बे समायना आगरखौनो उनाव लाइहागार आगर मुं दोननाय जायो। आरो बे लाइहागार आरगानो उननि समफोराव आगर गुबै मुं मोनो।	
सौथि नं.	7.	बे खन्थाइ खोन्दोखौ मदाराम ब्रह्मआ लिरनाय 'बर'नि गुदि सिबसा आरो आरज' मुंनि खन्थाइनिफ्राय लानाय जादों। बेयो दोंसे रहस्य सानसि बेरखांनाय खन्थाइ। रहस्य सानसि बेरखांनाय खन्थाइफोराव इसोर एबा अबंलाउरिनि मावनाय, दांनाय एबा इसोर हमदांनो हायै गुमुरफोरनि खोथाफोरानो बेरखाडो। खन्थाइगिरिया बरनि गुदि इसोर, जोनोमहोगिरि बोराइ बाथौनि गुमुर मिथिनो लुबैनाय खोथायानो बेरखांदों। बिथाडा खरगंग्लायनानै गिबि लारियावनो बुंदों दि नों फैब्लासो बार बारो, खोमसिया सोरां जायो, दाउफोरा आदार नागिरनानै जाम जाम बिरलांनो हायो। थामहिनबा जों साफ्रोम जिब-जुनार, मानसि-दुमसिफोरा थांनानै थानो हायो। नों बाथौ बोराइनि अनगा रावबो गैया। बेखायनो नों जॉनो गोहो होनांगौ, गोख्रों गोसो होनांगौ जाहाथे जों समाजनि गोग्लैसोनाय, गियान गैयि मानसिफोरनि मोजां खालामनो हायो। खन्थाइगिरिया मिथिदों आरो फोथायदों दि बिथानि मावनाय दांनायफोरखौ इसोरा नायहरबाय थायो नाथाय जोंसो बेखौ मिथिसवा। बेखायनो खन्थाइगिरिया खुथार खुथार खावलायदों जाहाथे मोनसा-मोनसि गैयालासेनो बयखौबो म्गेगन थाइसेजों नायनो हानाय बादि हाजासे गियान होयो।	5